



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CXXXII. De Bello singulari omnium Castrorum & Civitatum terrae  
Prussiae in secunda Apostasia, primo de Balga.

**urn:nbn:de:hbz:466:1-11850**

**G**LAPPO Capitaneus Warmiensium habuit quendam Virum sibi subiectum, dictum Steinovv, quem tenerrimè dilexit. Sæpius eum à mortis periculo liberavit: sed ille immemor beneficii sibi ab eo præstiti retribuebat mala pro bonis, & odium pro dilectione. Cogitavit enim qualiter ipsum in mortem traderet, & ut hoc posset deducere ad effectum, invitavit ipsum ad expugnandum Castrum quoddam, situm in terra Sambia, circa littus maris recentis, ferè ex opposito Castri Brandenburg, assignans ei diem, quando cum suo deberet exercitu advenire. Medio tempore iste Steinovv venit ad Commendatorem de Kunigsberg, & factum huiusmodi prodidit, consulens ei, ut cum exercitu suo secum iret; qui annuens consilio suo, assumptis sibi pluribus fratribus & armigeris, venit, & Glapponem cum exercitu suo in obsidione dicti castri invenit, & irruens repentè in ipsos omnes occidit. Sed Glapponem secum duxit Kunigsberg, & in monte, qui à Nomine suo usque in præsentem diem dicitur mons Glapponis, suspendit. Occisis ergo Capitaneis & aliis per quos bellum regebatur, Nattangi & Warmienses se fidei & fratribus iterum submiserunt.

## CAP. CXXXII.

De

*Bello singulari omnium Castrorum & Civitatum terra Prussia in secunda Apostasia, primo de Balga.*

**P**Ramisso in Generali de Bello secundæ Apostasiæ (a) descendendum est ad singulare prælium cujuslibet Castri & territorii terræ Pruschiæ. Undè non moveat Lectorem si aliqua bella

*Manno de Sangerhausen VII. Mag. Gen. Ord. Teut.*

*Conradus à Tierburg IX. Magister Provinc. Prussiae.*

bella infra secundam Apostasiam jam posita, vel ponenda non inveniatur eo ordine, quo sunt digesta, quia jam transiverunt à memoria hominum nunc Viventium, quod nullus de ipsis posset se modo debito expedire: factum quidem pro majori parte ponitur, sed tempus debitum non servatur. Unde per anticipationem multa reperies hic posita & descripta. Postquam Warmienses Nattangi & Barthi An. Dn. MCCLX. apostataissent à fide & fidelibus, circumvenerunt terras suas armatà manu, & quotquot invenerunt Christianos, occiderunt, mulieres & parvulos captos deduxerunt. Posthac processerunt versus Balgam & equos fratrum & pecora spoliaverunt, quod non una sed plurius Vicibus factum fuit.

ANIMADVERSIO.

(a) Codex Thoruvvensis addit hæc verba: *quæ Anno 1260. incepit.*

CAP. CXXXIII.

De

*Occisione III. Fratrum & XL.*

*Virorum.*

NON longè postea duo Nobiles & potentes (a) Stumo & Stutze cum magno Exercitu venerunt ante Balgam. Fratres cum suis occurrentes eis, duos Pruthenos nobiles interfecerunt. Hac die fuit tanta Nebula, quod nullus alium à longè videre potuit. Undè factum fuit, quod dum fratres Pruthenos recedentes vellent invadere, quia media pars exercitus ipsorum transivit paludem, illi, qui in Insidiis latitabant, eruperunt, & tres fratres cum XL. viris interfecerunt.

ANIMADVERSIO.

(a) Scumme habet Jeroschinus. Codex Thoruniensis *Scumo.*

Ef 3

CAP.